

## **Qilamik ilituqhainiq maniqami nautianik aalatqiinik atuqlugit mikiyut iliturijutauyut nahautit naniyauyut nunainaqmi**

Ilituqhaiyiluaq: Jakob J. Assmann, University of Zurich, Switzerland

Hilap aalaguqniga havakviuyunilu hulijutit aalaguqpaliajutiyut Ukiuqtaqtumi maniqamik. Manirainaqmi nautiat mikigaluaqtilugit naunaqhutiklu hunauniginik, ayuqnaqataqtuq qauyimayaagani kitut aalatqiit naniyauniginik maniqami. Qauyimaginiganik kitut nautiaq talvaniiniginik ayuqnaqhitiyuq ikayuqturiagani hilami ilipkamajutininik akhuurutininik nalunairutininiklu aalaguqngiginik nautiat hivunikhami. Pijutauluaqtuq ilituqhautiptikni nalunaiyariagani nutaamik havauhikhamik nanihijutauyunik aalatqiinik nautianik maniqami ayuqnaitqiyauliriagani.

Havauhiq atuqtuq mikiyunik ilanuaiginik nautiat hunauniginik nalunairutininik nunainaqmi ilituripkalaaqngiginik kitut nautiat naniyauniginik qanitumi maniqami. Ilituqhariagani havauhiq, katitiriniaqtugut nunainaqmik nau-naiyagakhanik pigahunit 3-hanat miitamit 3-hanat miitamut maniqami inigiyauyuni haniani lqaluktuutiap piyaaganilu nau-tiat hunaqaqngiginik naunaiyautimik ilituqhaivikmi Kanatamiut Qutiktumik Ilituqhaiyinit Havakviani. Nalunaiyaqniaqtavulu nautiaq takulugit atuqlugilu tikmijutinuut inuitut nunaayiuriami humiiniginik. Nautianik naunaiyautit ikayuqniaqmatigut ilituqhariagani aulaniqatiaqnigan havauhiuyup nunauyalu takuupkainiaqmat qanuq ilituqhaqtauyut ilauniginik manirainaqmi.

Katitiqtauhimayut nunainait hivunihijutikhaqtaqt kitunik nauvaalirutininik kitulu uumayunuit talvaniiniginik. Ilagiarut ilituqhaqngiganik havauhiq, naunaiyainiaqtugut qanuq nunainaqmi nauvaalirugit uumayunuilu qanuriliurutiqaqmaga qanuritut nautianik naniyaulaaqtunik ilagani manirainaup.

Upalugaiqtugut iniqtiriagani maniqami ilituqhainiqmik akungani Taaqhivaliavia1-mit Niqiliqivik 12-mut 2023-mi. Naunaiyautini ilituqhautit nalunaiyaqngiganiklu havauhiq havaariyauniaqt Ilihaqpaalivikmi Zurich-mi Switzerland-mi. Iniqtirumayaqtuq havaa auyami 2024-mi.

Tamaita naunaipkutit qanurilijutulu qahakhiniaqtut tamainit qaritauyakut naunaipkutinit naunaiyautiniklu takuupkaijutimit. Ilagiarutauyuq, atuqtiniaqtavut tamaita naunaiyautit takuyavulu ihumagiyait nunagiyauyuni ilauyut, ataniqtuiyut, ilituqhaiyulu Ukiuqtaqtumi Qauyimayaayunik Kanatami hivuagut. Inuknut uqaqniaqtugut qauyipkaqtitiyaaptikni havaamik atuqtilugu Ukiuqtaqtumi Qauyimayaayunik Kanatami "Uqaqtit Ilagiyainiitut" lqaluktuutiami talvani auyami utirumayugulu nuguliqaat 2023-mit 2024-mut ukiuq uqariami naluhuiqtaptiknik.

Ayuqnaitqiyauliriagani upitaaptikni ilituqhautiptikni, uqaqniaqtavut ikayuqtigiyavut ihauqtumi Facebook-mi ilauyuni tikitinata lqaluktuutiamut. Ihuaqhaiqatiriikniaqtavulu Ukiuqtaqtumi Qauyimayaayunik Kanatami upalugaiyariagani ayuiqhavikhamik ilihavikmit iliharuiqhimalaktilugit ilauyut ihumagiyaukpat una nunagiyauyumit.

Aktuqniga avatauyumik, uumayunik, inukniklu mikiniaqtuq. Katitiriniaqtugut mikiyunik nunainaqnik (nalautagaayumi 162-nik ilituqhagakhanik 50-milaliitanik atuni) talimaniklu nauninuaginik 150 nautiat hatqiqhiyaaptikni ilipqamayakhanik nunami nautiat qanurinigini naunairutini. Atuqaarumayaqtiknik piniaqut nunagiyauyuni tikmipkaigupta tikmianuanik inuqagitunik. Taimainigani, tikmilimagitugut iluani 150-miitamik inuknit, maniqamiuviknik, igluniklu. Piniaqtugut tamainik aturiaqaqtunik piyunautinik.